

FASTI SOCIET. J.

<sup>28</sup> orgius Tavora, Lusitanus. In obsequio  
pete infectorum. Vir planè misericor-  
diarum, natus videbatur ad miserorum  
levamen. Ipse ægros è publico in hospi-  
tia deportabat, lavabat, vestiebat, tonde-  
bat, vulnera fovebat, tuguria construe-  
bat, ligna cædebat, & comportabat, ni-  
hilque omittebat, quoad corporum cu-  
ram, ut animas lucraretur. Cùm à San-  
dapilaris efferretur ipse, urbs tota ingen-  
ti miserorum ejulatu personuit.

<sup>29</sup> Bittunicæ in Gallia, anno 1635.  
P. Ludovicus Lallemant. Innocentia illi  
nulla graviore noxâ temerata, mirum in  
affetus suos dominium. Paupertas etiam  
in Bibliis sacris, & Breviario relucens,  
conscientia quotidie diligenti exomolo-  
geli purgata. Mortuo capilli, & veste  
vulsa ad venerationem.

<sup>30</sup> Montellæ in Hispania anno 1637.  
P. Martinus de Roa, Hispanus: post an-  
nos sedecim impensos Cordubæ juve-  
nati humanioribus literis, & solidæ pie-  
tatis exercitiis excolendæ, atque sacra-  
rum literarum eruditam interpretatione-  
nem, gubernationi admotus, rara pru-  
dentiâ, & charitate rexit Collegia, Xeren-

MENS APRILIS.

se, Astigiranum, Hispalense, Malacita-  
num, & Cordubense, ac denique Provin-  
ciam Boeticam. Inter curas gubernatio-  
nis non omisit piorum eruditiorumque  
librorum elucubrationem: quorunq[ue] duos  
supra viginti recenset Sotuellus in Bibl.

7. In America anno 1690. odiò fidei  
interfecti sunt à barbaris Tauramaribus  
P. Didacus Ortiz de Zovanda, & P. Em-  
manuel Sanchez. *Ex libro Suffragiorum.*

VI. APRILIS.

1. **A** Nno 1552. S. Xaverius in procin-  
ctu itineris Sinensis, communi-  
cavit P. Gaspari Barzeo, Rectori Colle-  
gii Goani, Privilegia Pontificia Societati  
concessa, sibi recente transmissa à S. Ig-  
natio; concedendo etiam, ut eorum usum  
aliis, quos idoneos judicaverit, comuni-  
nicare possit. Subiunxit deinde complura  
monita, quæ diligentissimè observa-  
ret, ad felix regimen istius Collegii. Pri-  
mum est: ante omnia satage, ut in conti-  
nuo intime tuæ depressionis sensu defi-  
xum teneas animum. Cùm Patribus, si-  
ve qui domi tecum vivunt, sive qui alibi  
degentes tibi subsunt, age semper eas

20

## FASTI SOCIET. J:

magna modestia, affabilitate, indulgen-  
tia; sine asperitate ulla vel fastu: nisi si  
qui eorum tua moderatione, & humili-  
tate abuterentur. Quidquid à Patribus  
aut Fratribus contra obedientiam pecca-  
bitur; aliqua poena vindicetur: & in hoc  
Sacerdotum supra Clericos, & Laicos ni-  
hil eximi fons habeat. Si qui ē tibi sub-  
jectis superbē se tecum gerent, & opinio-  
ne sua tumidi, supercilium elatum, ac  
frontem duram opponent tuis nutibus,  
eos tu vicissim preme, plus imperiosa se-  
veritatis, quam benigna affabilitatis ad  
illos adhibens. Ergo poenas istis, maxi-  
mē pro culpis quotidianis, publicas in-  
junge; ac omni ratione provide, nē de-  
bilitatem in te aliquam hi sentiant, sèque  
timeri putent. Nihil magis confirmat in  
audacia, provehītque ad rebellionem  
contumaces subditos; quam experimen-  
tum infirmitatis in Præsidibus. Fac igi-  
tur omnino, quod iubeo; nec te respec-  
tus ullus, aut metus judiciorum sermo-  
numque teneat, quo minus quod debes,  
exequaris. r. p. l. nov. lib. 6. epist. 4. & 5.

2. In Urbe anno 1570. Vaticanum  
Poenitentiariorum Collegium, Societati

relax-

## MENS APRILIS.

21

reistanti à Pio V. impositum; hoc die  
cum ipsius benedictione largissima occu-  
patum est à duodecim presbyteris nostris,  
variarum linguarum peritis: ut cuiusvis  
nationis accendentibus hominibus usui ef-  
se possint. *Sacchin. part. 3. lib. 6. n. 1. & seqq.*

3. Rigæ in Livonia anno 1582, au-  
thoritate Stephani Regis Poloniae, com-  
pulsus est Senatus civitatis tradere Socie-  
tati Templum S. Jacobi, cum adibus ad-  
jacentibus, expulis hæterodoxis ministris.  
*Sacchin. part. 5. lib. 2. num. 83.*

4. In Americæ portum, Buenos Aëres  
dictum Hispanis, feliciter appulsi sunt  
Missionarii nostri 44. anno 1691. opera-  
turi salutem Americanorum in Provin-  
cia Paraquarie, numerante præter Col-  
legia Reductiones populosissimas 26.  
quarunq; minima numerat quatuor, aut  
quinque millia Christianorum. *Ex literis  
P. Antonii Sepp datis in Europam 1692, im-  
pressis Norimbergæ in Germania.*

*Eodem die obierunt.*

5. Mussiponti in Lotharingia, anno  
1604. P. Thomas Darbisphirus, seu Albi-  
cher, Anglus, ē patria odio fidei prof-  
criptus.

B 3

## FASTI SOCIET. J.

criptus. Ad carceris arthinas ferendas animatus est ab ipso Christo objectu cruentæ imaginis suæ. Cùm deliberaret, an Carthusiam, vel Societatem ingredetur, inter orandum vidit virum clausis januis concclave intrantem, audivitque dicentem: *Tu quidam Cartusianus si vis, salutis tua consules; sed ubi futurus es proximus?* In Societate egit Magistrum Novitiorum religiosissimum, operarium strenuissimum usque ad octogesimum sextum ætatis annum, catechismam parvulum tam solidum, & clarum: ut ejus catecheses Theologi in commentarium referrent.

6. Reginæ Hradecii in Bohemia, anno 1634. P. Matthæus Pretemberger, Bohemus, religiosa morte defunctus est, quem puerum Dei papa Virgo à gravi morbo liberaverat. Ut in Socie atem admitti posset, ope S. Norberti, &c t. S. P. Ignatii impensis implorata, strumam depulit. In tyrocinio Magistri Novitiorum jussu impetravit muscis aliisque vermisbus infestis; ut è granario faceſſerent, nec corrumperent frumentum, in tuis servorum Dei congregatum. Habuit vim

## MENS APRILIS.

23  
vim prompta obedientia. Considerunt enim animalcula illa in tanta copia, ut palis ejici debuerint. Obsequio peste tacitorum bis caput suum, & operam devovit, magna virtutis, & Societatis commendatione. Si quid novarum vestium ei afferretur, negabat hæc esse idonea vestiendo cadaveri; rejiciebatque.

7. Vilnae in Lituania anno 1668. Michaël Judkiewicz, Lituanus, Coadjutor Temporalis. Angelica puritatis studiosissimus, ante somnum manus sibi colligabat, nè forte inter dormiendum minus convenienter corporis tactu exerrarent. Totos 26. annos in Collegio numerosissimo impendit officio cocis tam accurate: ut assidue videretur ipsi obversari illud S. Patris effatum: *Dum servio iis, qui sunt servi Domini mei, cogito me servire ipsi omnium Domino.* Unde cùm duobus circiter ante obitum annis Superiores illum à labore solo avellere vellent munere: cum lacrymis deprecatus est eam indulgentiam: *Ab liceat mihi, orabat, ad supremum usque agonem sanctis Dei id praestare, obsequium.* Et praestit fideliter alacriterque usque ad morbum supremum. Ex annis.

B 4

8. Varsag

FASTI SOCIET. J.

8. Varsaviæ in Polonia, anno 1666;  
P. Joannes Rywocki Prutenus: Vir mor-  
tificationis, & religioſa perfectionis per-  
quām studiosus. Ab ipso tyrocinio, af-  
ſumpro corporis vexandi studio, nec  
muſcas nec culices à facie, vel manibus  
abigebat; & quamvis per plures annos  
ante mortem acutissimis conſigeretur  
doloribus, conſuetas corporis affiſtiones  
nunquam intermisit. Coram Venerabili  
plures tranſigebat horas, ac præfertim  
illam, quæ post mensam relaxationi ani-  
mi concedi ſolet. Cūm Provincialis iter  
ageret, ſemper oculos, & mentem in  
Christi Crucifixi effigiem, intentam ha-  
bebat, dicebātque: ſe à Christo Crucifi-  
xo mirabilem viam ad perfectionem di-  
dicife. Gubernationis dono prætans,  
Collegia Brunsbergense, Vilnense, Do-  
mum Professam Varsaviensem, & bis to-  
tam Provinciam Lituanam gubernavit,

VII. APRILIS.

1. A Nnō 1541. Ulyſſipone ſolvit in  
Indiam S. Xaverius, cum Pro-  
tege Martino de Sosa, & duobus sociis,  
Paulo Camerte, & Franciſco Mansilla.

Jusſe-

MENS APRILIS.

21

Juſſerat Rex procuratorem classis Atai-  
dium Comitem: ut omnia, non ſolum  
ad neceſſitatem, ſed etiam commodira-  
tem, largè ſuppeditaret. Sed multa ha-  
bita contentionē cum Xaverio, non plus  
extorſit: quām ut pauculos libellos, &  
ruſticas penulas pro frigore hyemali ar-  
cendo admitteret. Tantum enim opibus  
ſanctæ paupertatis detrahi, dicitabat Xa-  
verius: quantum adderetur de bonis ter-  
renis. Bartoij in vita lib. I. num. 32.

2. In Urbe anno 1655. creatus eſt  
Pontifex Alexander VII. antè dictus Fa-  
bius Chisius. Propenſum animum in So-  
cietatem declaravit, tūm aliis luculentis  
argumentis, tūm maximè conſtantī for-  
tique ſollicitudine: ut Societas, quæ ex  
obſervantia erga Sedem Apoſtolicam, e  
ditione Veneta ultrò cefſerat, ſub Paulo  
V. in eandem reſtitueretur. Quod tandem  
evicit, Gomez in Elog. Soc.

3. In India egregiam epiftolam dedit  
S. Xaverius ad P. Barzeum, virum Apo-  
ſtolicum: quam ſic orditur. Petis à me,  
mi Gaspar, ut quoniam multus eſſe fo-  
leo in commendanda humiliitate, & tu  
ipſe intelligis, quanti ea virtus pretii ac  
mo-

momenti sit: etiam ejus exercendæ quan-  
dam methodum suggestere nè graver.  
Equidem libenter in eo argumento ver-  
sor: ac quoniam tui causâ plurimum, &  
tibia audiens circumstrepere plausus con-  
cionum interdum (sit est amor anxius)  
vereor: nè dum sentis te placere omnibus,  
incipias ipse tibi non displicere. Adscri-  
bam hic, quæ in mentem veniunt ido-  
nea, nî fallor, ut velut amuleti tibi  
vice sint, ad prævertendam vim noxiæ  
blandi veneni arrogantiae, per auram pos-  
pularem, inter gratulationes, insidiosè  
ad incautos adrepentis. Ita Xaverius: pro-  
ponit deinde varia media. *Epistolar. nōr. l.*  
*6. ep. i.*

### Eodem die obierunt.

4. Vigorniæ in Anglia, anno 1606.  
P. Edvardus Oldetonus Hallus, Anglus,  
post 18. annos in patria excolenda multo  
labore positos, tentus, atque in odium  
fidei Catholicæ suspensus, & laniatus. Ig-  
nitis, quo ejus intestina combusta sunt, per  
totos 16. dies extingui non potuit, licet  
aquâ largissimè affusa. Crevit postea in  
eodem loco gramen, in modum regii  
diad.

-004

diadematis, diuque perseveravit. Inter  
alios ad Ecclesiam reductos, nobilem ma-  
tronam in sua secta contumacissimam, ex-  
pugnavit tandem (cum rationibus flecti  
non posset) pertinaci quatuor dierum je-  
junio. Fassa est ipsa, conversam se, quod  
vidisset P. Edvardum sui causâ, quarto  
jam die jejunitum tolerare.

5. Madriti, anno 1658. mors suavis-  
sima sustulit P. Joanniem Eusebium Ni-  
rembergium, Germanus parentibus in  
Hispania ortum: cuius morientis vox,  
post altum silentium fuit: Quam dulcis res  
ist mori! Ad talem mortem per omnem vi-  
tam se dispositus singulari orationis, &  
mortificationis studio. Orationi, dum  
scholasticus esset, quotidie quater uas da-  
bat horas, septenas postea. In alios blan-  
dissimus, in corpus suum crudus omni-  
nò fuit, quod exquisitis modis, & som-  
no quatuor tantum, vel trium horarum,  
atterebat; nunquam lecto, nisi cum ægrotaret,  
usus. Dirigendis in spiritu Præla-  
tis, Proceribus, & Illustribus matronis,  
excipiendisque affluentis populi confes-  
sionibus ira se impedit: ut miraculi lo-  
co habitum sit, cum tot tantosque elu-

cu.

cubrare potuisse Tomos, & libros eruditione omnigena refertos. Quinquaginta recenset Sotuellus in Bibliotheca Societatis. Non unum misit Deipara Virgo ad P. Joannem pro consilio in salutis negotio. Angelus quoque expedivit quandam adipsum: ut quædam ab Angelo, dicta obscurius sibi peteret explicari.

## VIII. APRILIS.

**A**NNO 1544. S. Xaverius literis Manapatare datis ad P. Franciscum Mansillam, laudat fructuosum ejus laborem in excolendis Indis sibi commissis, monetque ut fructum omnem non sibi imputet, sed Authori Deo. Sic tecum reputa, inquit, si quid bona frugis incolendino elaboretur, totam ejus in solidum laudem esse magni Molitoris, & Domini, qui aquam affundit, quâ mola versatur, ac tota incitatur ac vivit machina. Epist. non lib. 2 epist. 4. Miranda Dei judicia! Insignis hic operarius, à sancto Apostolo tam laudatus, tot epistolis informatus, eò tandem devenit; ut è Societate dimitti debuerit. Nimirum in projectiore ætate eam amplexus ingenium attu-

## MENS APRILIS. 29

attulit mintis tractabile; & bona, quæ agebat, proprii judicij ac voluntatis tenacitate corrumpebat. Cum igitur Superioribus non satis morigerum se præberet: maluit Sanctus, in tanta operariorum paucitate, laborum socio carere, quam cervicosum tolerare. *Orland. hist. Soc. part. I. l. 5. n. 94.*

2. In Prussia Regiomonti, civitate vasata, inchoata est Missio Collegii Brunsbergensis, anno 1650. promovente Serenissima Regina Poloniae Ludovica. Primi illuc expediti sunt P. Michaël Radau, & P. Andreas Zieniewicz; ille Germano, hic Polono idiomate rem Catholicam promoturus. Insignes atque copiosos fructus tulit hæc Missio: quæ nunc jam quinque constat operariis nostris, numeratque Catholicos milenos, quorum illo tempore erant per pauci. *Ex Histor. Collegii Brunsbergensi.*

*Eodem die obierunt.*

3. Ulyssipone, anno 1589. magnus in pusillo corpore Servus Dei P. Leo Henriquez, Lusitanus: præclara illius obedientia, humilitatis, aliarumque virtutum

FASTI SOCIET. J.

33  
tum decora, terribilem fecerunt dæmonibus, gratiosissimum Deo, & hominibus. Non uni comparuit adhuc vivens, & absens, juvitque in gravi necessitate. Coram Sanctissimo Sacramento ferventius oranti pro avertendis publicis calamitatibus, allapta vox est ex hostia sacra: nequaquam, nequaquam! Dimitte me, dimite: nam castigabo, castigabo!

4. Mellana in Sicilia, anno 1592. obdormivit in Domino P. Antonius Sardus, Siculus, ante initam Societatem medicus celebris, & qui quasi principatum artis medicæ per Siciliam obtinebat. At ubi à Christo audivit: *Veni post me, faciam te fieri medicum animarum;* relictis omnibus Societati ejus se addixit cum tribus filiis eximia indolis, responditque cumulate vocatio suæ moribus, & gestis.

5. Luxemburgi in Germania, anno 1657. religiosam mortem oppetiit P. Dominicus Pierius, Belga; longè plus quam quatuor ac triginta annorum patientiâ in humanioribus literis tradendis exercitatus, cum amplissimo fructu virtutis. Apud omnes singularis modestia, suavis animi candor, & religiosus agendi modus, nomen

MENS APRILIS.

maonien Boni Patris, illi conciliârunt.

IX. APRILIS.

1. Defuncto Julio III. Pontifice succesit anno 1555. Marcellus II. Cervinus antè dictus, ingenti bonoru in omnium gratulatione ac plausu, ipsis etiam plaudentibus sibi purpuratis Patribus, ob tam felicem electionem. Novum Pontificem cum adorandi gratulandique causâ, Noster quoque adiisset Pater, S. Ignatius: Pontifex hominem arctè complexus, & suaviter deosculatus, cum eo inambulans, de re componenda Christiana, de propaganda Christi fidei, de verteri disciplina restituenda, de sanandis denique affectis Christianæ Reipublicæ partibus, multa contulit. Denique cohortatus ad augendam Religiosæ militia Societatem: *Tu, inquit, milites collige, & bellatores insirue: nos utemur.* Sed spes amplissimas paulò post inopina mors succidit. Orland. hist. Soc. p. I. l. 15. r. 3.

2. In Hispaniam expedivit S. Pater anno 1553. P. Hieronymum Natalem, cum titulo, & potestate Commissarii; ut Constitutiones recens editas promulgaret: &

si

FASTI SOCIETATIS.

32. si videretur è re divina , & communis Societatis bono futurum , etiam declararet , corrigeret , & ad constantem observantiam aptaret . Tantum homini tribuit Vir modestissimus , & rerum suarum parcus aestimator . *Orland. ibid. lib. 13. n. 7.*

33. In India S. Franciscus Xaverius ad Sinas prefecturus anno 1552. epistolam dedit Romam ad S. Ignatium ; quā petit idoneos operarios pro vinea Indica . Concludit epistolam : *Deus nos in cœlestium filiitatem , & ( si ex ejus gloria futurum est ) in hac vita conjugat . Id enim si mibi imperetur , obedientia vi nullo negotio effici potest . Epist. veterum lib. 4. epist. 6. En stupendam resolutionem , ad nutum obedientiae deserendi terras vitâ sibi chariores , Indiam , Japoniam , Sinas ; & remetiendi Oceanum , immenso tractu ab illis avulsum !*

*Eodem die obierunt.*

34. Vallisoleti in Hispania , anno 1615. pro fide exul , P. Guilielmus Vestonus Anglus , post ærumnosisimos carceres annis septendecim toleratos infractâ confitantiâ . Expeditus ex Hispania in Angliam , vestes novas admittere noluit , dicens : se

MENS APRILIS.

in attritis , & vilioribus facilius à Deo cognoscendum profito . Post sacrificium Divinum celebratum horam integrâ dabat gratiarum actioni , & colloquio cum Deo : cui cùm aliquando anxius se & negotia sua commendaret , in cafèteria vidit instar filii lucidam radium protensum è coelo , cùm hac voce : *Hoc ego te filio suspensum habeo è prouidentia mea ; tecum sum ego , nec te desiram .* Iridē illi admirabilis fiducia in Dēum , intet mille præsentissima capitis pericula , & infestissimos Dæmonum insultus ; quos vicissim ipse graviter vexabat , ejiciendo ex energumentis . Præfuit Missioni Anglicana singulare prudenter dexteritate , & zelo , fructu verò incomparabili . Accepto imminentis mortis nuncio , exultans occintuit . *Iatatus sum in his ; qua dicta sunt mibi : in Dominum Domini ibimus .*

35. Messanæ in Sicilia , anno 1612. inter dulcissimos cœlestis musicae choros , requievit P. Hieronymus Galilieus Siculus , ingenio , doctrina , puritate , & religiosa disciplina studio insignis .

36. Romæ , anno 1583. Vincentius Aragonius , Ducis Terranovæ , & eo tempore

FASTI SOCIET. J.

<sup>34</sup> pore Gubrnatoris Mediolanensis, filius; ut egregiè efflorescentem virtutem suam proveheret ad perfectionem, & honores Ecclesiasticos, quibus à patre parabatur, declinaret: inscio ipso Romanum evolavit, & se ad Societatis domum probationis recepit. Sed mox gravi aegritudine correptus, intrà decimum quartum diem pè decessit. Initio morbi Cardinalis Farne-sius juvenem ad palatium suum trans ferre sumopere contendit: sed ille in finu Societatis pauper mori, quam in palatio splendide foveri maluit.

X. APRILIS.

<sup>1.</sup> **M**agnum columen Societati sub-traxit hic dies, anno 1585. Gre-gorium XIII. Pontificem Maximum cœ-lo quidem maturissimum; ut qui etatem ad annos 83. extenderat, meritorum au-tem copiam in omnem aeternitatem. Ne-mo alius tot Societatem Constitutioni-bus, & Indultis firmavit, & munivit; ne-mo tot beneficiis ornavit, & locupleta-vit; nemo tot laudibus extulit; & planè paternâ curâ fovit. Unum pro multis be-nescientiam ejus prædicabit aeternū;

Col-

MENS APRILIS.

<sup>35</sup> Collegium Romanum, munificentissimè grandi sumptu fundatum, præter plura alia urbis Collegia, & sparsa per orbem Seminaria, Societatis gubernationi tra-dita. Obiit Sanctissimus Pontifex in af-fluentia solatiorum liquidissimorum, pau-lò post, quam P. Mesguita trium Japoniæ Principum Legatos, sacras ejus plantas, & supremam in terris dignitatem venera-turos, in Urbem adduxit. *Sacchin. l. 5. Soc. part. 5. lib. 5. num. 12.* Romani Pontifieis idea, qui in pauperes vicies centena au-reorum millia (ut ex publicis tabulis con-stat) scribitur impendisse, rectè usus Christi sanguine, & liberalitate Christia-norum: sub cuius Pontificatu in S. R. Edi-tione justitia, pax, rerum omnium co-pia floruisse perhibentur. Laudatus est eximiè à Magistro Antonio Mureto Lemovice excellentissimo Oratore, & non satis, materia orationem superante. *Brie-tius.* Eadem Pontifici in perpetuam rei memoriam exstat in sculptum sequens elogium Brunbergæ: Gregorio XIII. Gen-te Boncompagno, patria Bononiensi, Pontifici virtute, doctrinâ, meritis in Urbe, & orbem Maximo, Seminario-

C<sub>2</sub>

fum

## FASTI SOCIET. J.

36. *rum pro diversis mundi partibus viginti  
trium (& in his Brunsbergensis pro Sue-  
cia, Gothia, Vandal: Norveg: Dania,  
Pomer: Prussia; Livon: Moschov: Rus-  
sia, Lituia: & Hungaria. Anno 1582.)*  
Fundatori munificentissimo memoriam  
hanc erigi fecit Joannes Stephanus Vydz-  
ga Episcopus Varmiensis; ut legant, &  
videant, qui carpunt, que non capiunt:  
Romanis Pontificibus esse simul divitias  
artemque fruendi: & Catholicam Eccle-  
siam habere opes, non ut servet, sed ut  
bene eroget. Anno 1664.

2. In Lusitania, anno 1596. Ulyssipone  
in Japoniam solvit P. Carolus Spino-  
la, cum P. Hieronymo de Angelis, &  
sex aliis Sociis, quanta alacritate, tam  
infelici navigatione. Vi enim tempestatis  
acti sunt primum in Brasiliam; deinde al-  
tera tempestate in insulam Portoricco de-  
nique cum hinc cursum repereret navis,  
ab haereticis Anglis capta est, & in An-  
gliam abducta cum sociis. Nihil tamen  
hostile passi sunt, quod non de industria  
appulissent in Angliam, & non Hispani,  
sed Itali essent: Permissi denique repere  
Ulyssiponem, post tot ambages tantaque

pe

## MENS APRILIS.

37. *pericula: Sed haec omnia extinguere non  
poterant charitatem, qua rapiebantur in  
Japoniam, & ignes Japoniae. Per bien-  
num solicitavit P. Carolus Praepositum  
Generalem, ac tandem impetravit: ut  
iterum tentaret fortunam, quam exper-  
tus est magis faventem; feliciterque pe-  
netravit in Japoniam, ex illa per ignes  
evolaturus in cœlum. Hugo in Vita e. 5. &  
seqq.*

*Eodem die obierunt.*

3. In Philippinis, anno 1645, P. Joa-  
nnes Dominicus Aresius, Sardus, Mis-  
sionarius impiger, inter orandum, ab In-  
do (quem reprehenderat; quod matrem  
mori permisisset, se non vocato, ad il-  
lam Sacramentis muniendam) lanceâ tra-  
jectus occubuit. Percussorem nullo mo-  
do prodere voluit; ne alicui exitio esset,  
qui omnium saluti se devoverat.

4. Lime in Peruvia, anno 1651, in-  
nocentem vitam pia morte clausit P. Isi-  
dorus de Saavedra, Peruanus, SS. Ignatii,  
& Xaverii, imo ipsius cœli Reginæ con-  
spectu, non semel recreatus, & ad excel-  
sam virtutem provocatus.

C 3

s. Pas

## FASTI SOCIET. J.

33. Panormi in Sicilia, anno 1593,  
Magister Joannes Baptista Tuballinus,  
Italus, mori delit, post toleratam per  
annos undecim paralyssim, quā prostrata-  
tus, jacebat immotus, cadaveris instar,  
sed dolorum plenus. Nullum unquam im-  
patientis animi signum dedit, nunquam  
impetiit aliquid, quo recrearetur, licet ob-  
noxie invitatus a Superioribus, semper vul-  
tu ameno Angelum spirare videbatur,  
pati nescium, ita; ut ipsos quoque alio-  
rum turbatos animos aspectu suo serena-  
ret.

6. Ingolstadii in Germania, anno  
1651, P. Georgius Stengelius, Germanus;  
Doctorali Theologiae laureatus, sed magis  
religiosa pietate ornatus. Fuit in dicendo,  
scribendo, & usu conscientias gubernan-  
di, felix, amoenus, & solidus. Infecta-  
tiones, quæ subinde occurabant, non  
ut injurias, sed ut benevoli animi tesseras  
accipiebat vir & sine supercilie doctus, &  
non artificiose humilis. Ut proximo diu-  
nius, & solidius prodesset; labori dicen-  
di ex pulpito sacro, junxit lucubrandi  
studium, editis in diversa materia libris  
ad septuaginta, & amplius, quos recen-  
set. Sotuellus in Bib. Soc.

7. P.

## MENS APRILIS.

7. P. Didacus Stunica, Post abdica-  
tas cum hæreditate lauta (Majoratum His-  
pani vocant) nobilitatis avita spes, re-  
ceptus in Societatem Salmanticæ Indias  
omnibus votis concupivit, In Peruviam  
secundâ navigatione delatus, cùm in Ame-  
ricanis mancipiis instituendis, uti opta-  
verat, lateret, traslatus est subito ad Li-  
manum tyrocinium regendum, ob exi-  
miam sanctimoniam pari conjunctam  
prudentiam. Procurator ad conquirendum  
Christi cohortibus supplementum in Eu-  
ropam missus, indè copiosam strenua  
venturis retulit manum. Dum infestum  
prædonibus mare percurreret, incidit in  
Anglorum classem: portenti simile visum  
est, quod oborta repente nebula, navim,  
qua vehebatur, oculis hostium subdux-  
erit. Neque hoc prodigo caret, quod  
ægrotanti contigit. Jacebat omni cibo-  
rum sensu gustuque captus. Jubente me-  
dico, ut ediceret, ecquid obsonii palato  
arrideret; ille ut erat obsequentissimus,  
candidè feriam, nescio, quam appella-  
vit. Sed hujus nè notum quidem illic no-  
men erat. Quæritur nihilominus, ut  
ægrotō satisfiat. Prodeunti famulo puer  
igno-

mebi.s

## FASTI SOCIET. J.

ignotus in limine occurrit cum illo ipso  
percuso: idque ipsum alias eidem accidif-  
fe narrant. Sic seruos suos Deus ac filios  
usque ad delicias amat. Extinctus est Gu-  
mangæ hoc die 37. annorum, sed virtu-  
tum plenus, & meritorum. Exequæ per-  
dies octo à Clero, & Ordinibus religiosis  
celebratæ. *Jurencius* fol. 782.

## XI. APRILIS.

1. Cum laudatissimo Pontifici iusta-  
per solverentur, Gregorio XIII.  
in Basilica Vaticana: P. Stephanus Tuc-  
cius solemní panegyri immortalia ejus  
merita celebravit tanto splendidius; quan-  
to plus veritatis, quam pigmentorum  
Rheticorum, illustrabat orationem.  
Statuam in Capitolio S. P. Q. R. posuit  
Principi Optimo, & Pontifici Maximo;  
Societas multis sacrificiorum millibus pa-  
rentavit beneficentissimo Patrono suo, &  
Fundatori Collegii amplissimi, è quo, ve-  
lut ex arce, erumpunt in orbem univer-  
sum validæ copiæ in propugnationem, &  
propagationem Ecclesiæ: prout iam  
olim vaticinatus est S. P. Ignatius. *Spon-  
dan. ad annum 1585.*

2. Idem

## MENS APRILIS.

2. Idem Gregorius, Pontifex Maxi-  
mus propensissimi animi sui in Societa-  
tem insigne dedit argumentum anno  
1573. Cum enim hoc die accessissent  
eum, Congregationem tertiam Genera-  
lem celebraturi, P. Polancus Vicarius Ge-  
neralis cum aliis aliquot Patribus deputa-  
tis, benedictionem a Sua Sanctitate peten-  
tes pro electione novi Præpositi Genera-  
lis, post obitum S. Borgiae: peramant  
excepti illos; insinuavit tamen: cùm pre-  
cedentes Generales omnes fuissent Hispa-  
ni, nunc ex alia aliqua natione illum eli-  
gendum videri. Sed cùm Polancus repon-  
suisset, Congregations Generales ea po-  
tissimum de causa Romæ à Societate ce-  
lebrari, ut sub umbra, & tutela Sedis  
Apostolica illæsæ gaudeant suffragiorum  
libertate: facile annuit, benedixitque Pon-  
tifex. Et electus tandem est Everardus  
Mercurianus, is, quem ipsem et optave-  
rat. Promovit negotium Electionis Bea-  
tissimus Pater non votis solū, sed Sacri-  
ficiis Deo oblatis. Cum enim illuxisset  
dies Electionis, inter eundum ad Sacrum,  
clara voce ut omnes circumstantes audi-  
erent, sacrificaturum Sacerdotem appel-  
lans: